

Little Girl (Chotya Meyey)
Deepak Sarkar, Written on 5/29/2000, Redwood Shores, California

ছোট মেয়ে -

একটি ছোট মেয়ে -
একা একা হেটে যাচ্ছে
গঙ্গার পাড় দিয়ে ।

তার আগে চলছে একটি গরু
পিছনে তার সদ্যজাত বাছুর ।
অনেক পিছনে লাঠিতে ভর দিয়ে -
রোগা অথচ দৃঢ় একটি লোক
মাথায় মোট নিয়ে ।

ডাইনে বিস্তীর্ণ গঙ্গার ধাবমান ঘোলাজল -
বায়ে উচু কাঁটাতার দিয়ে ঘেরা -
মনোরম ফোর্ট র্যাডিসন ।

সেই ফোর্ট র্যাডিসনের
চারতলার ব্যালকনিতে বসে -
বিকেলের পড়ন্ত রোদে
সব থেকে ভালো লাগছে -
এই মুক্তধারা, স্নেহ বিগলিতা, চির নবীনা,
মা গঙ্গার রূপে ঐ ছোট মেয়ে ॥